



**SIUMUT**  
**INATSISARTUT**

Nuuk den 7. marts 2016

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

**Apeqqutit:**

- 1) **Meeqqat atuarfiat pillugu peqqussut kommuninit atuutsinneqarnera Naalakkersuisunit qanoq nakkutigineqarpa?**
- 2) **Qanoq alloriartoqarlunilu suliniuteqartoqartarpa, Meeqqat atuarfiat pillugu peqqussummik atuutsitsineq pillugu isornartunik nassaartoqartillugu ?**
- 3) **Ukiuni kingullerni tallimani Naalakkersuisut Meeqqat atuarfiat pillugu Peqqussummik atuutsitsineq pillugu sulianik qassinik isornartorsiuisimappat – suliat kommunillu sorliit eqqartorneqarpat? Suut alloriarnerit kinguneqartitsinerillu aallartinneqarsimappat**
- 4) **Ukiuni kingullerni tallimani Naalakkersuisut Kommunalbestyrelsinut kommunit peqqussut naapertorlugu suliaminnik ingerlatsinerat pillugu paasissutissanik piumasaqarsimappat?**
- 5) **Ilitsersuutit pisariaqartut il.il., - nalunaarutit, kaajallaasitallu il.il., Naalakkersuisuniit suliarineqarnikuuppat – taamaaliorluni kommunalbestyrelsinit atuarfeqarfiit naammaginatsumik Meeqqat atuarfiat pillugu peqqussut naapertorlugu ingerlatsinissaat qulakkeerumallugu? Suut taava amigaataasimassappat?**

(Inatsisartuni ilaasortaq, Vivian Motzfeldt, Siumut)

**Tungavilersuutit**

Meeqqat atuarfiat pillugu peqqussummi § 32 naapertorlugu Naalakkersuisut kommunit Meeqqat atuarfiat pillugu Peqqussummik atuutsitsinerat nakkutigisussaavaat, soorluttaa qeqqussut naapertorlugu atuutsitsineq pillugu pisarialinnik Naalakkersuisut kommunalbestyrelsinut piumasaqarsinnaasut.

Piffissami kinngullermi tamanut tusarliunneqarpoq kommunimi aalajangersimasumi atuarfiit ilaat pitsaassutsimut nalunaarusiamik kommunalbestyrelsinut nassiussisarsimangitsut, tamanna kommuunit atuarfinnut ataasiakkaanut nakkutiginninnerannut pisariaqartinneqaraluartoq.

Taamaalilluni nalunaarutigineqarpoq kommune pineqartoq inatsisinik eqqortitsimanngitsoq, soorluttaaq nalunaarutigineqartoq Ilinniartitaanermut Pisortaqarfik pitsaassutsimik nalunaarusiat qanoq suliarineqartariaqarnerannik najoqqutassiornikuusimanngitsoq.